



## Møteprotokoll for Utval for næringutvikling og drift

**Møtedato:** 09.06.2021  
**Møtestad:** Teams  
**Møtetid:** 12:00 - 15:30

<b>Frammøtte medlemmer</b>	<b>Parti</b>	<b>Rolle</b>
Stian Lavik	KRF	Utvalsleiar
Mabel Johansen	H	Nestleiar
Liv Høpland van der Kooij	SP	Medlem
Tormod Skurtveit	AP	Medlem
Øyvind Bratshaug	H	Medlem
Yngve Walaker	UAVH	Medlem
Maya Greve	MDG	Medlem

---

**Følgjande frå administrasjonen møtte:**

Hogne Haugsdal-kommunalsjef, Anny Bastesen-kommunalsjef, Tove Hagenes-hovudprosjektleiar Samfunnsutvikling, Line Merete Valle-tenesteleiar Eigedomsforvaltning og Prosjekt, Arne Helgesen-leiar for samferdsel, veg og vatn, Mikkel Bengtsson-rådgjevar viltforvaltning, Arthur Kleiveland-møtesekretær

---

Konsulent Jan-Inge Nilssen i Norconsult orienterte i sak 058/21.

## Sakliste

<b>Saknr</b>	<b>Tittel</b>
050/21	Godkjenning av innkalling og sakliste
051/21	Godkjenning av møteprotokoll
052/21	Kommunale mål for forvaltning av hjort 2021
053/21	Operasjonalisering av grøn konkurransekraft i Nordhordland – søknad om støtte
054/21	Sal av kommunale bygg og eiendomar
055/21	Tildeling kommunal kompensasjonsordning for lokale verksemder
056/21	Melding til utval for næringsutvikling og drift 09.06.2021
057/21	Endra ramme, opprusting Knarvik 11 ar kunstgras
058/21	KNARA – Hovudreinseanlegg Knarvik

## **050/21: Godkjenning av innkalling og saksliste**

Innkalling og saksliste vert godkjent.

### **Utval for næringsutvikling og drift 09.06.2021:**

#### **Behandling:**

Sak 058 vart flytta fram til etter sak 052.  
Utvalde godkjende samrøystes innkalling og saksliste.

#### **ND- 050/21 Vedtak:**

Innkalling og saksliste vert godkjent.

## **051/21: Godkjenning av møteprotokoll**

### **Utval for næringsutvikling og drift 09.06.2021:**

#### **Behandling:**

Utvalet godkjende møteprotokoll for 28.04.2021.

#### **ND- 051/21 Vedtak:**

Møteprotokoll vert godkjend.

## **052/21: Kommunale mål for forvaltning av hjort 2021**

#### **Rådmannen sitt framlegg til vedtak:**

«Utval for areal, plan og miljø vedtek framlegg til kommunal målsetting for forvaltning av hjort samt fokusområda for oppfyljing av målsettinga slik det går fram av saksutgreiinga».

### **Utval for næringsutvikling og drift 09.06.2021:**

#### **Behandling:**

Maya Fugelsnes Greve-MDG er kollega på same avdeling som sakshandsamar i denne saka, men har sjølv ikkje hatt noko med saka å gjera. Ho ba utvalet vurderer habiliteten sin i saka. Utvalet kjende Maya Fugelsnes Greve habil, og ho deltok i handsaminga av saka.

Utvalsleiar Stian Lavik-KRF sette fram følgjande framlegg til vedtak:

*Utval for næringsutvikling og drift støttar rådmannen sitt framlegg til vedtak, med følgjande tilleggsmærknad:*

*“Slik situasjonen er no er det fleire stader i kommunen trong for auka kortsiktige tiltak for å få talet på hjort raskt ned, då det høge talet på hjort går utover inntektsgrunnlaget til fleire*

bønder i kommunen. Utvalet føreset at administrasjonen iverkset ekstraordinære kortsiktige tiltak som kan bringa bestanden ned til eit meir normalt nivå raskt, før ein går over i normal avskyting. Utvalet ønskjer at administrasjonen kjem attende med oversikt over kva ekstraordinære tiltak som vert gjorde, og effekten av desse.

Utvalet vil også leggja til følgjande:

1. Landbruksfagleg råd skal høyrast i saker som omhandlar villtforvaltning i Alver kommune.
2. Det vert laga ei ny lokal forskrift for minsteareal i Alver kommune. Minstearealet vert tilpassa hjortestamma i dei ulike geografiske områda. Forslag om endring av minsteareal skal fremjast som sak til Utval for areal, plan og miljø innan 15. november 2021. Ei forskriftsendring må fastsettast av Alver kommunestyre innan 15. mars 2022.
3. I område der det er store avlingstap på grasavlingar, frukt, bær og grønsaker på grunn av hjortebeiting må det sommaren 2021 gjevast skadefellingar i tråd med villtlova og anna lovverk. Alver kommune må ved tildeling av fellingsløyve i slike område hausten 2021 fråvika minstearealet med inntil 50 prosent."

Utval for næringsutvikling og drift vil oppmoda Utval for areal, plan, og miljø om å vedta dette eller eit tilsvarande tilleggspunkt.

Utvalet vedtok samrøystes rådmannen sitt framlegg til vedtak.

Utvalet vedtok samrøystes utvalsløiar Stian Lavik-KRF sitt tilleggsframlegg.

#### **ND- 052/21 Vedtak:**

Utval for næringsutvikling og drift kjem med følgjande innstilling:

Utval for areal, plan og miljø vedtek framlegg til kommunal målsetting for forvaltning av hjort samt fokusområda for oppfyljing av målsettinga slik det går fram av saksutgreiinga.

Slik situasjonen er no er det fleire stader i kommunen trong for auka kortsiktige tiltak for å få talet på hjort raskt ned, då det høge talet på hjort går utover inntektsgrunnlaget til fleire bønder i kommunen. Utvalet føreset at administrasjonen iverkset ekstraordinære kortsiktige tiltak som kan bringa bestanden ned til eit meir normalt nivå raskt, før ein går over i normal avskyting. Utvalet ønskjer at administrasjonen kjem attende med oversikt over kva ekstraordinære tiltak som vert gjorde, og effekten av desse.

Utvalet vil også leggja til følgjande:

1. Landbruksfagleg råd skal høyrast i saker som omhandlar villtforvaltning i Alver kommune.
2. Det vert laga ei ny lokal forskrift for minsteareal i Alver kommune. Minstearealet vert tilpassa hjortestamma i dei ulike geografiske områda. Forslag om endring av minsteareal skal fremjast som sak til Utval for areal, plan og miljø innan 15. november 2021. Ei forskriftsendring må fastsettast av Alver kommunestyre innan 15. mars 2022.
3. I område der det er store avlingstap på grasavlingar, frukt, bær og grønsaker på grunn av hjortebeiting må det sommaren 2021 gjevast skadefellingar i tråd med villtlova og anna lovverk. Alver kommune må ved tildeling av fellingsløyve i slike område hausten 2021 fråvika minstearealet med inntil 50 prosent.

Utval for næringsutvikling og drift vil oppmoda Utval for areal, plan, og miljø om å vedta dette eller eit tilsvarande tilleggspunkt.

## **053/21: Operasjonalisering av grøn konkurransekraft i Nordhordland – søknad om støtte**

### **Rådmannen sitt framlegg til vedtak:**

Saka blir lagt fram til politisk drøfting og avgjerd

### **Utval for næringsutvikling og drift 09.06.2021:**

#### **Behandling:**

Utvalsleiar Stian Lavik-KRF sette fram følgjande framlegg til vedtak:

*Utval for næringsutvikling og drift vil be formannskapet om å løfta opp saka og gjera følgjande vedtak som innstilling til kommunestyret:*

*Kommunestyret løyver kr 175 000 som ei ekstraløyving til Nordhordland Næringslag, for at dei skal arbeida målretta med "02.Krafftforsyning", "03.Lokale utdanningsprogram", og "05.Realisere anbefalinger i scenarioanalysen" i kostnadsplanen i dokumentet "OPERASJONALISERING GRØNN KONKURRANSEKRAFT I NORDHORDLAND – SØKNAD OM STØTTE". Næringslaget skal rapportera til Utval for næringsutvikling og drift, og til adminstrasjonen jamnleg.*

*Kostnaden vert å dekkja frå disposisjonsfondet.*

Stian Lavik sitt framlegg vart sett opp mot rådmannen sitt framlegg.  
Lavik sitt framlegg fekk 7 røyster og vart samrøystes vedteke.

### **ND- 053/21 Vedtak:**

Utval for næringsutvikling og drift vil be formannskapet om å løfta opp saka og gjera følgjande vedtak som innstilling til kommunestyret:

Kommunestyret løyver kr 175 000 som ei ekstraløyving til Nordhordland Næringslag, for at dei skal arbeida målretta med "02.Krafftforsyning", "03.Lokale utdanningsprogram", og "05.Realisere anbefalinger i scenarioanalysen" i kostnadsplanen i dokumentet "OPERASJONALISERING GRØNN KONKURRANSEKRAFT I NORDHORDLAND – SØKNAD OM STØTTE". Næringslaget skal rapportera til Utval for næringsutvikling og drift, og til adminstrasjonen jamnleg.

Kostnaden vert å dekkja frå disposisjonsfondet.

## **054/21: Sal av kommunale bygg og eigedomar**

### **Rådmannen sitt framlegg til vedtak:**

«1. Kommunestyre ber administrasjonen starte prosessen med å avhende følgjande eigedomar: A. Olsvollstranda næringsområde, gbnr 474/21, B. Rylandshøgda, gbnr 343/96, C. Dale grendahus, gbnr 472/6, D. Kolås barnehage, gbnr 108/374.

2. Kommunestyre ber administrasjonen om å vurdere følgjande eigedomar nærare før det

fattast vedtak om ei evt. avhending: E. Feste skule, gbnr 70/6 m.fl, F. Lindåstunet, gbnr 108/1/4, G. Alversund/Tveiten kai og tomt, gbnr 139/11

3. Kommunestyret ber rådmannen om å vurdere leigekontrakten i Promenaden 3. etg i sin heilskap. Det skal startast ein prosess for vurdering av mogeleg relokalisering av aktuell avdeling til kommunalt eigde bygg der det er ledige lokale»

#### **Utval for næringsutvikling og drift 09.06.2021:**

##### **Behandling:**

Tormod Skurtveit-AP sette fram følgjande framlegg:

*Utval for næringsutvikling og drift støttar rådmannen sitt framlegg til vedtak, med følgjande tilleggsmerknad:*

*Det er viktig at kaien i tilknytning til G. Alversund/Tveiten kai og tomt, gbnr 139/11 vert sikra tilkomst og bruk for ålmenta.*

Utvalet vedtok samrøystes Skurtveit sitt framlegg til vedtak.

#### **ND- 054/21 Vedtak:**

Utval for næringsutvikling og drift kjem med følgjande innstilling:

Utval for næringsutvikling og drift støttar rådmannen sitt framlegg til vedtak, med følgjande tilleggsmerknad:

Det er viktig at kaien i tilknytning til G. Alversund/Tveiten kai og tomt, gbnr 139/11 vert sikra tilkomst og bruk for ålmenta.

#### **055/21: Tildeling kommunal kompensasjonsordning for lokale verksemder**

##### **Rådmannen sitt framlegg til vedtak:**

Alver kommune tildeler midlar frå kommunalt kompensasjonsordning etter ein lik prosentvis fordelingssum ut frå søkesum, med eit øvre tak på kr 350.000. Tildelt sum per søkjar går fram av saksframlegget.

#### **Utval for næringsutvikling og drift 09.06.2021:**

##### **Behandling:**

Yngve Walaker-Uavh. er medeigar i ei av bedriftene som har søkt om tilskot frå kompensasjonsordninga. Utvalet erklærte Walaker ugild i saka, og han deltok ikkje i handsaminga.

Utvalet avviste ein søknad som kom inn etter søknadsfristen. Utvalet godkjende ein søknad som kom innan søknadsfristen, men som ikkje kom gjennom rett portal.

Utvalet vedtok samrøystes rådmannen sitt framlegg til vedtak.

#### **ND- 055/21 Vedtak:**

Utval for næringsutvikling og drift kjem med følgjande innstilling:

Alver kommune tildeler midlar frå kommunal kompensasjonsordning etter ein lik prosentvis fordelingssum ut frå søkesum, med eit øvre tak på kr 350.000. Tildelt sum per søkjar går fram av saksframlegget.

## **056/21: Melding til utval for næringsutvikling og drift 09.06.2021**

### **Rådmannen sitt framlegg til vedtak:**

Meldingar vert tekne til orientering.

### **Utval for næringsutvikling og drift 09.06.2021:**

#### **Behandling:**

Det vart gitt følgjande meldingar/orienteringar:

- Næringsareal og arealprosessar i Alver kommune v/Kristin Nåmdal-leiar Plan og analyse
- Dialog med Høgskulen på Vestlandet v/Hogne Haugsdal-kommunalsjef
- Bemanning og kapasitet på byggesakshandsaming v/Anny Bastesen-kommunalsjef

Orientering om kraftsituasjonen Nordhordland/Mongstad er utsett til møte i utvalet 22. juni.

Liv Hopland van der Kooij-SP stilte spørsmål ved tilkopling til ny vassleidning Valde-Holmeknappen.

Øyvind Bratshaug-H stilte spørsmål ved fiberutbygging i området Landsvik-Skjellanger.

Yngve Walaker-Uavh. stilte spørsmål om kven som er rette instans i kommunen når nokon treng hjelp/rettleiing i samband med at ein vil starta for seg sjølv.

Administrasjonen svara på spørsmåla.

Utvalsleiar Stian Lavik-KRF sette fram følgjande framlegg til vedtak:

*Utval for næringsutvikling og drift takkar for gode orienteringar.*

*Utvalet er glad for at det pågår samarbeid med mellom andre Høgskulen på Vestlandet om kompetanseutvikling i kommunen og regionen, og vil oppmoda til vidare utvikling av samarbeidet.*

*Utval for næringsutvikling og drift viser til orientering om næringsareal i kommunen, og bed om at det blir gjennomført synfaring til desse så snart det let seg gjera.*

Lavik sitt framlegg vart sett opp mot rådmannen sitt framlegg til vedtak.

Lavik sitt framlegg vart samrøystes vedteke.

### **ND- 056/21 Vedtak:**

Utval for næringsutvikling og drift takkar for gode orienteringar.

Utvalet er glad for at det pågår samarbeid med mellom andre Høgskulen på Vestlandet om kompetanseutvikling i kommunen og regionen, og vil oppmoda til vidare utvikling av samarbeidet.

Utval for næringsutvikling og drift viser til orientering om næringsareal i kommunen, og bed om at det blir gjennomført synfaring til desse så snart det let seg gjera.

## **057/21: Endra ramme, opprusting Knarvik 11ar kunstgras**

### **Rådmannen sitt framlegg til vedtak:**

Kostnadsramma for nytt banedekke på Knarvik 11ar kunstgras, vert auka til 6,1 millionar.

Prosjektet finansierast som følger:

Prosjektet er lagt inn i opprinnelig budsjett med sum kr 3,2 mill eks mva, 4 mill inkl mva.

Finansiering: lånemidlar 3,2 mill og mva-refusjon 0,8 mill.

Auke på 2,1 mill inkl. mva eller kr 1,68 mill ekskl. mva.

Finansiert med lånemidlar med kr 1,68 mill og 0,42 mill i mva-refusjon.

Sum prosjekt er kr 6,1 mill. kr 4,88 mill eks mva og kr 1,22 mill i mva.

Finansiert med 4,88 mill i lånemidlar og kr 1,22 mill i mva.-refusjon

### **Utval for oppvekst, kunnskap og kultur 08.06.2021:**

#### **Behandling:**

Uttale frå Alver idrettsrådet vart ettersendt utvalet - 08.06.2021

Atle Vaage-rådgjevar, orienterte og svara på spørsmål.

#### **Framlegg frå Thea Risøy-Krf:**

Utval for oppvekst, kunnskap og kultur rår Formannskapet til å innstille for alternativ 2: bane med syntetisk innfyll og oppfylling av ny forskrift med kostnadsramme 7,5 million.

Framlegget vart vedteke med 7 røyster, mot 1 røyst (Anna Nordlund-SV)

#### **OKK- 046/21 Vedtak:**

#### **Uttale i OKK - 08.06.2021:**

Utval for oppvekst, kunnskap og kultur rår Formannskapet til å innstille for alternativ 2: bane med syntetisk innfyll og oppfylling av ny forskrift med kostnadsramme 7,5 million.

### **Utval for næringutvikling og drift 09.06.2021:**

#### **Behandling:**

Yngve Walaker-Uavh. sette fram følgjande framlegg:

*Utvalet sluttar seg til uttalen frå OKK av 08.06.2021.*

Liv Hopland van der Kooij-SP sette fram følgjande framlegg:

*Som alternativ 2, men med bruk av biofyll/organinsk materiale.*

*Det vart røysta over kvart av dei ulike framlegga.*

*Rådmannen sitt framlegg fekk 0 røyster og fall.*

*Hopland van der Kooij sitt framlegg fekk 2 røyster og fall.*

*Walaker sitt framlegg fekk 5 røyster og vart vedteke.*

#### **ND- 057/21 Vedtak:**



Utval for næringsutval og drift kjem med følgjande uttale i saka:  
Utvalet sluttar seg til uttalen frå OKK av 08.06.2021.

## **058/21: KNARA – Hovudreinseanlegg Knarvik**

### **Rådmannen sitt framlegg til vedtak:**

Kommunestyret vedtek at Alternativ 2 Kvassneset som lokalisering, ligg til grunn for vidare planlegging av nytt hovudreinseanlegg i Knarvik.

### **Utval for næringutvikling og drift 09.06.2021:**

#### **Behandling:**

Utvalsleiar Stian Lavik-KRF sette fram følgjande framlegg:

*Utvalet tar saka til orientering.*

Tormod Skurtveit-AP sette fram følgjande framlegg:

*Utvalet tar saka til orientering.*

*Utvalet meiner at løysinga med fleire mindre anlegg bør utgreiast i rapporten, slik at ein har eit reelt samanlikningsgrunnlag.*

Stian Lavik trekte framlegget sitt.

Tormod Skurtveit sitt framlegg vart sett opp mot rådmannen sitt framlegg i avrøystinga.  
Skurtveit sitt framlegg fekk 7 røyster og vart samrøystes vedteke.

### **ND- 058/21 Vedtak:**

Utval for næringsutvikling og drift kjem med følgjande uttale i saka:

Utvalet tar saka til orientering.

Utvalet meiner at løysinga med fleire mindre anlegg bør utgreiast i rapporten, slik at ein har eit reelt samanlikningsgrunnlag.